




P R A V I L N I K
O IZMJENAMA I DOPUNAMA
PRAVILNIKA O UNUTRAŠNJOJ ORGANIZACIJI OPĆINE NOVO SARAJEVO

Sarajevo, novembar 2025. godine

Općina Novo Sarajevo, ulica Zmaja od Bosne br. 55, centrala telefon (387 33) 492 100
Služba za poslove Kabineta Općinskog načelnika tel: (387 33) 492 272, fax: (387 33) 644 559
email: novosarajevo@novosarajevo.ba, nacelnik@novosarajevo.ba, kabinet.nacelnika@novosarajevo.ba
Identifikacioni broj: 4200558710008 PDV broj: 200558710008 Porezni broj: 0170333000
Depozitni račun 1411965320011288 Bosna Bank International d.d.



Handwritten scribbles and marks in the top right corner, possibly including the letters "MP".



Na osnovu člana 15. Zakona o principima lokalne samouprave u Federaciji Bosne i Hercegovine („Službene novine Federacije BiH“, br. 49/06 i 51/09), odredbi Zakona o državnoj službi u Kantonu Sarajevo („Službene novine Kantona Sarajevo“, br. 31/16, 45/19 i 6/25), čl. 8. i 9. Zakona o internoj reviziji u javnom sektoru u Federaciji Bosne i Hercegovine („Službene novine Federacije BiH“, br. 47/08 i 101/16), člana 3. Pravilnika o kriterijima za uspostavljanje jedinica za internu reviziju u javnom sektoru u Federaciji Bosne i Hercegovine („Službene novine Federacije BiH“, broj 49/20), a u vezi sa čl. 4. i 5. Pravilnika o uslovima za obavljanje poslova interne revizije u javnom sektoru u Federaciji Bosne i Hercegovine („Službene novine Federacije BiH“, br. 95/15, 48/17, 31/22 i 42/24), odredbi Uredbe o načelima za utvrđivanje unutrašnje organizacije kantonalnih, gradskih i općinskih organa uprave i upravnih organizacija („Službene novine Kantona Sarajevo“ br. 36/06, 8/12, 39/16, 13/22, 41/22 i 11/25), odredbi Uredbe o poslovima osnovne djelatnosti iz nadležnosti organa državne službe u Kantonu Sarajevo koje obavljaju državni službenici, uslovima za vršenje tih poslova i ostvarivanju određenih prava iz radnog odnosa („Službene novine Kantona Sarajevo“, br. 39/16, 10/17, 17/25 i 36/25), člana 50. Statuta Općine Novo Sarajevo („Službene novine Kantona Sarajevo“ br. 5/20 – Prečišćeni tekst i 20/20 - Ispravka) i odredbi Odluke o organizaciji i djelokrugu poslova službi za upravu, stručnih i drugih službi Općine Novo Sarajevo („Službene novine Kantona Sarajevo“, broj 7/19), uz pribavljena mišljenja Federalnog ministarstva finansija - Centralne harmonizacijske jedinice broj: 10-02-4-5108/25 od 3.6.2025. godine i broj: 10-02-4-8070/25 od 23.9.2025. godine i Sindikalne organizacije Općine Novo Sarajevo broj: 01-25/25 od 4.7.2025. godine, broj: 01-35/25 od 30.9.2025. godine, broj: 01-36/25 od 30.10.2025. godine i broj: 01-47/25 od 11.11.2025. godine, te saglasnost Općinskog vijeća Novo Sarajevo Zaključak broj: 02OV-01-1-10784/25 od 11.11.2025. godine, Općinska načelnica, donosi

P R A V I L N I K
O IZMJENAMA I DOPUNAMA
PRAVILNIKA O UNUTRAŠNJOJ ORGANIZACIJI OPĆINE NOVO SARAJEVO

Član 1.
(Dopuna člana 10.)

U Pravilniku o unutrašnjoj organizaciji Općine Novo Sarajevo broj: 02-05-258/19 od 12. 6. 2019. godine; 01-04-3006/21 od 28. 4. 2021. godine, 01-04-3785/21 od 25. 5. 2021. godine, 01-04-10190/21 od 20. 12. 2021. godine, 01-02-331/23 od 19. 1. 2023. godine, 11-02-1-5904/23 od 18. 7. 2023. godine i 11-02-1-6547/23 od 7. 9. 2023. godine, u članu 10. dodaje se stav 2. koji glasi:


„Ovim Pravilnikom sistematizovana su i dva izvršioca za radno mjesto Savjetnik Općinskog načelnika, a koji nisu državni službenici, ali se njihov radno-pravni status reguliše Zakonom o državnoj službi u Kantonu Sarajevo.“

Član 2.
(Novi član 11a.)

Iza člana 11. dodaje se novi član 11a., koji glasi:

„Član 11a.

U poglavlju II UNUTRAŠNJA ORGANIZACIJA, VRSTE ORGANIZACIONIH JEDINICA I NJIHOVA NADLEŽENOST I SISTEMATIZACIJA RADNIH MJESTA, u sistematizaciji radnih mjesta u čl. 15., 18a., 24., 28., 32., 36., 40., 44., 48., 52., 55., 59., 62., 65. i 68., te u poglavlju III RUKOVOĐENJE, OVLAŠTENJA U RUKOVOĐENJU I ODGOVORNOST ZA OBAVLJANJE POSLOVA u članu 74., u svim sistematizovanim radnim mjestima državnih službenika, u kolonama Uslovi za vršenje poslova:, iza riječi koje glase: „radnog staža“ dodaju se riječi: „u struci nakon sticanja visoke stručne spreme“.



Član 3.

(Izmjene i dopune člana 19.)

U članu 19. u stavu (1):

- 14. alineja koja glasi: „- organizuje i vodi aktivnosti na provođenju eksterne revizije poslovanja Općine, od strane nadležnih institucija, u koordinaciji sa općinskim službama;“ se briše;
- u 17. alineji, na kraju rečenice, iza riječi „razvoja“ dodaju se riječi: „iz domena Ureda“;
- u 18. alineji, na kraju zadnje rečenice, iza riječi „istog“ dodaju se riječi: „iz domena Ureda“;
- u 23. alineji, iza riječi „načelnik“ dodaju se riječi: „iz domena Ureda“.

Dosadašnje 15., 16., 17., 18., 19., 20., 21., 22. i 23. alineja, postaju 14., 15., 16., 17., 18., 19., 20., 21. i 22. alineja.

Član 4.

(Izmjene i dopune člana 21.)

U članu 21.:

- u tački 1. Rukovodilac Ureda za internu reviziju:

u Opisu poslova:

- u 1. alineji iza riječi: „Ureda“ dodaju se riječi koje glase: „u skladu sa važećim propisima iz oblasti interne revizije u javnom sektoru, i neposredno izvršava obaveze za koje je ovlašten u skladu sa propisima iz oblasti interne revizije u javnom sektoru“;
- iza 20. alineje koja glasi: „- saraduje sa Uredom za reviziju institucija u Federaciji Bosne i Hercegovine u razmjeni izvještaja, dokumentacije i mišljenja;“, dodaje se nova, 21. alineja, koja glasi: „- prilikom obavljanja interne revizije rukovodilac Ureda ostvaruje saradnju sa Centralnom harmonizacijskom jedinicom Federalnog ministarstva finansija kao i Uredom za reviziju institucija u Federaciji Bosne i Hercegovine u razmjeni izvještaja, dokumentacije i mišljenja;“;
- iza 21. alineje koja glasi: „- po potrebi inicira angažman eksternih eksperata;“, dodaje se nova, 22. alineja, koja glasi: „-osigurava efikasno korištenje resursa dodijeljenih za vršenje funkcije interne revizije;“;
- 34. alineja koja glasi: „- organizuje i koordinira provođenje eksterne revizije koju provodi Ured za reviziju institucija Federacija Bosne i Hercegovine;“ se briše;
- Dosadašnja 21., alineja postaje 22. alineja; iza dosadašnje 21. alineje dodaje se nova 23. alineja; dosadašnje 22., 23., 24., 25., 26., 27., 28., 29., 30., 31., 32., 33. alineje postaju 24., 25., 26., 27., 28., 29., 30., 31., 32., 33., 34., 35., dosadašnja alineja 34. se briše, a dosadašnje 35., 36., 37. i 38. alineje, postaju 36., 37., 38. i 39. alineja.

u Uslovima za vršenje poslova:

- riječi: „od čega minimalno 3 godine na poslovima revizije ili finansija u javnom sektoru;“ mijenjaju se i glase: „od čega minimalno 3 godine na nekim od sljedećih poslova: poslovima revizije ili poslovima interne revizije ili poslovima budžetiranja u javnom sektoru ili poslovima u vezi sa trezorskim poslovanjem ili finansijsko-računovodstvenim poslovima;“;
- iza riječi „Zakona o internoj reviziji“ dodaju se riječi: „u javnom sektoru u Federaciji Bosne i Hercegovine“.

ispod kolone: „Uslovi za vršenje poslova:“, dodaju se nove kolone, koje glase:

„Vrsta djelatnosti:	osnovna djelatnost
Grupe poslova:	studijsko-analitički
Složenost poslova:	najstloženiji
Status izvršioca:	državni službenik
Pozicija radnog mjesta:	rukovodilac jedinice za internu reviziju“

- u tački 2. Interni revizor:

u Opisu poslova:

- dodaje se kao prva, nova alineja, koja glasi: „– vrši poslove interne revizije u skladu sa važećim propisima iz oblasti interne revizije u javnom sektoru;“;
- 14. alineja koja glasi: „snosi punu, ličnu odgovornost za zakonito, blagovremeno, pravilno i kvalitetno izvršavanje datih mu poslova;“ mijenja se i glasi: „odgovoran je za zakonito, blagovremeno i kvalitetno izvršavanje poslova;“
- u 18. alineji iza riječi: „reviziju“ dodaju se riječi koje glase: „i/ili Općinskog načelnika“;
- Dosadašnje 1., 2., 3., 4., 5., 6., 7., 8., 9., 10., 11., 12., 13., 14., 15., 16., 17. i 18. alineja, postaju 2., 3., 4., 5., 6., 7., 8., 9., 10., 11., 12., 13., 14., 15., 16., 17., 18. i 19. alineja.

u Uslovima za vršenje poslova:

- iza riječi „stjecanja“ dodaje se riječ koja glasi: „VSS“,
- iza riječi „Zakona o internoj reviziji“ dodaju se riječi: „u javnom sektoru u Federaciji Bosne i Hercegovine“.

ispod kolone: „Uslovi za vršenje poslova:“, dodaju se nove kolone, koje glase:

„Vrsta djelatnosti:	osnovna djelatnost
Grupe poslova:	studijsko-analitički
Složenost poslova:	najsloženiji
Status izvršioca:	državni službenik
Pozicija radnog mjesta:	interni revizor“

Član 5.

(Izmjena člana 52.)

U članu 52.:

- u tački 7. za radno mjesto Viši referent za ovjeru potpisa, rukopisa i prepisa, u Broj izvršilaca, broj i riječ „5 /pet“ mijenjaju se i glase: „9 /devet“.

Član 6.

(Dopuna člana 59.)

U članu 59.:

- u tački 2. za radno mjesto Šef Odsjeka za javne nabavke, u Uslovi za vršenje poslova, iza riječi „pravni“ dodaju se riječi „ili ekonomski“.

Član 7.

(Dopuna člana 68.)

U članu 68.:

u tački 6. za radno mjesto: “Stručni saradnik za pravne poslove“u Službi za obrazovanje, kulturu i sport,

u Nazivu radnog mjesta

iza naziva „Stručni saradnik za pravne poslove“ dodaje se crtica i riječi koje glase: “Službenik za zaštitu ličnih podataka“

u Opisu poslova,

iza prve alineje dodaje se 5 novih alineja, i to:

- alineja 2. koja glasi:
„vrši poslove službenika za zaštitu ličnih podataka, shodno Zakonu o zaštiti ličnih podataka BiH“,
- alineja 3. koja glasi:

- „informiše i savjetuje općinski organ i zaposlene koji rade obradu o njihovim obavezama iz Zakona o zaštiti ličnih podataka i drugih zakona i podzakonskih akata kojima se propisuje zaštita ličnih podataka“;
- alineja 4. koja glasi:
„prati primjenu Zakona o zaštiti ličnih podataka i drugih zakona i podzakonskih akata kojima se propisuje zaštita ličnih podataka, kao i politika nadležnog organa u vezi sa zaštitom ličnih podataka, uključujući i podjelu odgovornosti, podizanje svijesti i osposobljavanje zaposlenih koji učestvuju u radnjama obrade, kao i s tim povezanim revizijama“;
 - alineja 5. koja glasi:
„pruža savjete kada je to zahtijevano, u vezi sa procjenom uticaja na zaštitu ličnih podataka i prati njeno izvršavanje u skladu sa članom 83. Zakona o zaštiti ličnih podataka BiH“;
 - alineja 6. koja glasi:
„sarađuje sa Agencijom za zaštitu ličnih podataka BiH i kontakt je osoba iz Općine Novo Sarajevo, za Agenciju o pitanjima koji se tiču obrade, što uključuje i prethodno savjetovanje iz člana 84. Zakona o zaštiti ličnih podataka BiH, te savjetovanje, po potrebi o svim drugim pitanjima.
- Dosadašnje 2., 3., 4., 5., 6., 7., 8., 9., 10., 11., 12., 13., 14., 15., 16., 17. i 18. alineja, postaju 7., 8., 9., 10., 11., 12., 13., 14., 15., 16., 17., 18., 19., 20., 21., 22., i 23., alineja.

Član 8.

(Izmjene tačke 5. i člana 77.)

U poglavlju III RUKOVOĐENJE, OVLAŠTENJA U RUKOVOĐENJU I ODGOVORNOST ZA OBAVLJANJE POSLOVA broj i riječi koje glase: „**5. Interni revizor**“, mijenjaju se i glase: „**5. Savjetnik Općinskog načelnika**“

Član 77. mijenja se i glasi:

„Član 77.

Općinski načelnik može imati savjetnika.

Savjetnika Općinskog načelnika imenuje Općinski načelnik Rješenjem.

Savjetnik Općinskog načelnika nije državni službenik, a za svoj rad neposredno odgovara Općinskom načelniku.

Savjetniku Općinskog načelnika ne garantuje se sigurnost uživanja položaja.

Savjetnik Općinskog načelnika može biti razriješen dužnosti u bilo koje vrijeme od Općinskog načelnika koji ga je imenovao na radno mjesto savjetnika.

Mandat savjetnika Općinskog načelnika ne može biti duži od mandata Općinskog načelnika koji ga je imenovao.

Imenovanje na radno mjesto savjetnika Općinskog načelnika se ne može preinačiti u položaj državnog službenika sa sigurnošću uživanja položaja.

Savjetnik Općinskog načelnika daje ostavku od trenutka kada je potvrđena njegova kandidatura za izborni položaj ili od trenutka kada je imenovan na položaj u bilo kojem zakonodavnom, predstavničkom ili izvršnom organu na bilo kojem nivou vlasti u Bosni i Hercegovini.

Savjetnik Općinskog načelnika može raditi sa punim ili nepunim radnim vremenom.

Opis poslova:

Savjetnik Općinskog načelnika obavlja najsloženije i druge poslove u domenu savjetovanja Općinskog načelnika iz različitih oblasti, i to: pravnih, ekonomskih, društvenih, investicionih, imovinsko-pravnih, finansijskih, lokalne samouprave, urbanog planiranja, okoliša, saradnje sa građanima, kao i drugih oblasti značajnih za unapređenje rada lokalne zajednice, te obavlja i slijedeće poslove:

- daje prijedloge sistemskih rješenja, stručna mišljenja i prijedloge za rješavanje pojedinih pitanja i problema u okviru nadležnosti Općine Novo Sarajevo, pri čemu je dužan da u radu postupa savjesno i odgovorno prema pravilima struke i u skladu sa zakonom;

- uspostavlja saradnju Općine Novo Sarajevo sa institucijama, pravnim i fizičkim licima u cilju unapređenja međusobne saradnje kroz različite projekte posredstvom kojih Općina Novo Sarajevo može ostvariti finansijska sredstva, te poboljšati uvjete života građana na području općine Novo Sarajevo;
- priprema analize za potrebe Općinskog načelnika u svrhu unapređenja rada Općine Novo Sarajevo u pojedinim oblastima;
- priprema analize uticaja internih akata Općine Novo Sarajevo za građane, te predlaže rješenja za unapređenje internih akata, a sve u skladu sa relevantnim zakonskim i podzakonskim aktima;
- saraduje sa vladinim i nevladinim sektorom u cilju realizacije investicionih i drugih projekata od značaja za Općinu Novo Sarajevo;
- priprema analize pozicije Općine Novo Sarajevo u javnom diskursu, te predlaže mjere za unapređenje imidža i položaja u medijima i javnom prostoru;
- predlaže mjere i aktivnosti u slučaju kriznog komuniciranja;
- predlaže mjere, aktivnosti i projekte u procesu planiranja projekata, odnosno apliciranja na javne pozive u svrhu osiguravanja sredstava u Budžetu Općine Novo Sarajevo;
- priprema analize i predlaže mjere u cilju unapređenja komunikacije Općine Novo Sarajevo i građana i drugih subjekata;
- obavlja i druge poslove po nalogu Općinskog načelnika.

Uslovi za vršenje poslova: VSS, najmanje VII stepen stručne spreme, odnosno visoko obrazovanje prvog, drugog ili trećeg ciklusa Bolonjskog sistema studiranja koji se vrednuje sa najmanje 240 ECTS bodova, pravni fakultet, ekonomski fakultet, elektrotehnički fakultet, mašinski fakultet, arhitektonski fakultet, građevinski fakultet, saobraćajni fakultet, prirodno-matematički fakultet, fakultet za kriminalistiku, kriminologiju i sigurnosne studije, fakultet političkih nauka, filozofski fakultet, fakultet za upravu, pedagoški fakultet, fakultet za sport i tjelesni odgoj/kineziološki fakultet ili drugi fakultet društvenog ili tehničkog smjera ili umjetnosti ili fakultet humanističkih ili prirodnih nauka, najmanje 5 godina radnog staža u struci nakon sticanja visoke stručne spreme

Složenost poslova: najsloženiji

Status izvršioca: nema status državnog službenika, niti namještenika

Pozicija radnog mjesta: savjetnik Općinskog načelnika


Broj izvršilaca: 2 /dva/


Član 9. (Stupanje na snagu)

Ovaj pravilnik stupa na snagu na dan stupanja na snagu Zaključka Općinskog vijeća Novo Sarajevo o davanju saglasnosti na Pravilnik o izmjenama i dopunama Pravilnika o unutrašnjoj organizaciji Općine Novo Sarajevo.

Broj: 01-02-1-3885/25
Sarajevo, 11.11.2025. godine


OPĆINSKA NAČELNICA
Prof. dr. Benjamina Karić





OBRAZLOŽENJE

I. PRAVNI OSNOV

Pravni osnov za donošenje ovog pravilnika sadržan je u:

- Zakonu o principima lokalne samouprave u Federaciji Bosne i Hercegovine („Službene novine Federacije BiH“, br. 49/06 i 51/09),
- Zakonu o državnoj službi u Kantonu Sarajevo („Službene novine Kantona Sarajevo“, br. 31/16, 45/19 i 6/25),
- Zakonu o internoj reviziji u javnom sektoru u Federaciji Bosne i Hercegovine („Službene novine Federacije BiH“, br. 47/08 i 101/16),
- Uredbi o načelima za utvrđivanje unutrašnje organizacije kantonalnih, gradskih i općinskih organa uprave i upravnih organizacija („Službene novine Kantona Sarajevo“ br. 36/06, 8/12, 39/16, 13/22, 41/22 i 11/25),
- Uredbi o poslovima osnovne djelatnosti iz nadležnosti organa državne službe u Kantonu Sarajevo koje obavljaju državni službenici, uslovima za vršenje tih poslova i ostvarivanju određenih prava iz radnog odnosa („Službene novine Kantona Sarajevo“ br. 39/16, 10/17, 17/25 i 36/25),
- Pravilniku o kriterijima za uspostavljanje jedinica za internu reviziju u javnom sektoru u Federaciji Bosne i Hercegovine („Službene novine Federacije BiH“, broj 49/20),
- Pravilniku o uslovima za obavljanje poslova interne revizije u javnom sektoru u Federaciji Bosne i Hercegovine („Službene novine Federacije BiH“, br. 95/15, 48/17, 31/22 i 42/24),
- Statutu Općine Novo Sarajevo („Službene novine Kantona Sarajevo“ br. 5/20 – Prečišćeni tekst i 20/20 - Ispravka) i
- Odluci o organizaciji i djelokrugu poslova službi za upravu, stručnih i drugih službi Općine Novo Sarajevo („Službene novine Kantona Sarajevo“, broj 7/19).

II RAZLOZI ZA DONOŠENJE I OBJAŠNJENJE ODABRANE POLITIKE

Općinski načelnik je donio Pravilnik o unutrašnjoj organizaciji Općine Novo Sarajevo broj: 02-05-258/19 od 12. 6. 2019. godine; 01-04-3006/21 od 28. 4. 2021. godine, 01-04-3785/21 od 25. 5. 2021. godine, 01-04-10190/21 od 20. 12. 2021. godine, 01-02-331/23 od 19. 1. 2023. godine, 11-02-1-5904/23 od 18. 7. 2023. godine i 11-02-1-6547/23 od 7. 9. 2023. godine, na koji je Općinsko vijeće Novo Sarajevo Zaključkom broj: 02OV-01-1-2613/24 od 11. 3. 2024. godine („Službene novine Federacije BiH“ broj: 11/24) dalo svoju saglasnost.

Skupština Kantona Sarajevo je na 18. Radnoj sjednici održanoj dana 11.02.2025. godine donijela Zakon o izmjenama i dopunama Zakona o državnoj službi u Kantonu Sarajevo („Službene novine Kantona Sarajevo“, broj: 6/25) kojim se u Zakon o državnoj službi u Kantonu Sarajevo, između ostalih izmjena, dodaju radna mjesta: rukovodioca jedinice za internu reviziju, internog revizora i savjetnika nosilaca funkcija. Također je predviđeno da se ova radna mjesta utvrđuju pravilnikom o unutrašnjoj organizaciji. Odredba člana 22. Zakona o izmjenama i dopunama Zakona o državnoj službi u Kantonu Sarajevo („Službene novine Kantona Sarajevo“, broj 6/25), propisuje da je Vlada dužna Uredbu o poslovima osnovne djelatnosti iz nadležnosti organa državne službe u Kantonu Sarajevo koje obavljaju državni službenici, uslovima za vršenje tih poslova i ostvarivanju određenih prava iz radnog odnosa („Službene novine Kantona Sarajevo“, br. 39/16 i 10/17) uskladiti sa odredbama ovog zakona u roku od 60 dana od dana stupanja na snagu ovog zakona, a u roku od 90 dana od donošenja navedenog podzakonskog propisa, rukovodilac organa državne službe, Gradonačelnik i općinski načelnik dužni su uskladiti pravilnike o unutrašnjoj organizaciji organa sa odredbama ovog zakona.

Nadalje, Vlada Kantona Sarajevo je na 66. sjednici održanoj 6. 3. 2025. godine donijela Uredbu o izmjenama i dopunama Uredbe o načelima za utvrđivanje unutrašnje organizacije kantonalnih, gradskih i općinskih organa uprave i upravnih organizacija („Službene novine Kantona Sarajevo“ broj 11/25), kojom je, između ostalog, tretirala pitanja koja se odnose na savjetnike rukovodioca.

Također, Vlada Kantona Sarajevo je na 113. vanrednoj sjednici održanoj 18.4.2025. godine donijela Uredbu o izmjenama i dopunama Uredbe o poslovima osnovne djelatnosti iz nadležnosti organa državne službe u Kantonu Sarajevo koje obavljaju državni službenici, uslovima za vršenje tih poslova i ostvarivanju određenih prava iz radnog odnosa („Službene novine Kantona Sarajevo“, broj: 17/25) kojom je, između ostalih, tretirala pitanja koja se odnose na rukovodioca jedinice za internu reviziju i interne revizore, radni staž, uslove za svako radno mjesto, te kojom u članu 5. propisuje da su rukovodilac organa državne službe, gradonačelnik i općinski načelnik dužni uskladiti pravilnike o unutrašnjoj organizaciji sa odredbama ove uredbe u roku od 90 dana od dana njenog donošenja.

Shodno svemu navedenom, a uzimajući u obzir činjenicu da su već ranije, u skladu sa odredbama Zakona o internoj reviziji u javnom sektoru u Federaciji Bosne i Hercegovine i Pravilnika o kriterijima za uspostavljanje jedinice za internu reviziju u javnom sektoru u Federaciji Bosne i Hercegovine, u Pravilniku o unutrašnjoj organizaciji Općine Novo Sarajevo utvrđena radna mjesta rukovodioca jedinice za internu reviziju i internog revizora, ukazala se potreba za izmjenom i dopunom Pravilnika u unutrašnjoj organizaciji Općine Novo Sarajevo u smislu njegovog usklađivanja, u propisanim rokovima, sa odredbama Zakona o izmjenama i dopunama Zakona o državnoj službi u Kantonu Sarajevo („Službene novine Kantona Sarajevo“, broj: 6/25), odredbama Uredbe o izmjenama i dopunama Uredbe o načelima za utvrđivanje unutrašnje organizacije kantonalnih, gradskih i općinskih organa uprave i upravnih organizacija („Službene novine Kantona Sarajevo“ broj 11/25), odredbama Uredbe o izmjenama i dopunama Uredbe o poslovima osnovne djelatnosti iz nadležnosti organa državne službe u Kantonu Sarajevo koje obavljaju državni službenici, uslovima za vršenje tih poslova i ostvarivanju određenih prava iz radnog odnosa („Službene novine Kantona Sarajevo“, broj: 17/25), te odredbama Pravilnika o uslovima za obavljanje poslova interne revizije u javnom sektoru u Federaciji Bosne i Hercegovine („Službene novine Federacije BiH“, br. 95/15, 48/17, 31/22 i 42/24).

Općinskom vijeću Novo Sarajevo je u propisanim rokovima dostavljen Prijedlog Zaključka o davanju saglasnosti na Pravilnik o izmjenama i dopunama Pravilnika o unutrašnjoj organizaciji Općine Novo Sarajevo, u prilogu kojeg je dostavljen i tekst Pravilnika o izmjenama i dopunama Pravilnika o unutrašnjoj organizaciji Općine Novo Sarajevo iz jula 2025. godine sa pribavljenim mišljenjima Centralne harmonizacijske jedinice Federalnog ministarstva finansija i Sindikalne organizacije Općine Novo Sarajevo, a koji je kao tačka dnevnog reda uvršten za 7. redovnu sjednicu Općinskog vijeća Novo Sarajevo. Ova sjednica Općinskog vijeća Novo Sarajevo je održana dana 31. 7. 2025. godine, ali ista nije završena, a navedena tačka dnevnog reda tada nije razmatrana jer „nije došla na red“.

Nakon toga, Vlada Kantona Sarajevo je na 91. sjednici održanoj 28. 8. 2025. godine donijela Uredbu o izmjeni Uredbe o poslovima osnovne djelatnosti iz nadležnosti organa državne službe u Kantonu Sarajevo koje obavljaju državni službenici, uslovima za vršenje tih poslova i ostvarivanju određenih prava iz radnog odnosa. Ova Uredba je objavljena u „Službenim novinama Kantona Sarajevo“ broj 36/25, dana 11. 9. 2025. godine, a stupila je na snagu narednog dana od dana objavljivanja u „Službenim novinama Kantona Sarajevo“. Ovom Uredbom o izmjeni Uredbe o poslovima osnovne djelatnosti iz nadležnosti organa državne službe u Kantonu Sarajevo koje obavljaju državni službenici, uslovima za vršenje tih poslova i ostvarivanju određenih prava iz radnog odnosa, u članu 30. stav (2) u Uredbi o poslovima osnovne djelatnosti iz nadležnosti organa državne službe u Kantonu Sarajevo koje obavljaju državni službenici, uslovima za vršenje tih poslova i ostvarivanju određenih prava iz radnog odnosa („Službene novine Kantona Sarajevo“ br. 39/16, 10/17 i 17/25), riječi: „s tim da su stečene diplome prvog i drugog ili trećeg ciklusa Bolonjskog sistema studiranja iste struke“ se brišu.

Navedene riječi, koje se sada brišu, bile su, između ostalih, predmet izmjena i dopuna Pravilnika o izmjenama i dopunama Pravilnika o unutrašnjoj organizaciji Općine Novo Sarajevo iz jula mjeseca koji je bio dostavljen Općinskom vijeću Novo Sarajevo na saglasnost, jer su iste ove riječi dodane njenim prethodnim izmjenama i dopunama u Uredbu o poslovima osnovne djelatnosti iz nadležnosti organa državne službe u Kantonu Sarajevo koje obavljaju državni službenici, uslovima za vršenje tih poslova i ostvarivanju određenih prava iz radnog odnosa, a sa kojom smo, između ostalih propisa, usklađivali naš Pravilnik o unutrašnjoj organizaciji Općine Novo Sarajevo.

Posljednjom izmjenom Uredbe o poslovima osnovne djelatnosti iz nadležnosti organa državne službe u Kantonu Sarajevo koje obavljaju državni službenici, uslovima za vršenje tih poslova i ostvarivanju određenih prava iz radnog odnosa, propisana je obaveza usklađivanja pravilnika o unutrašnjoj organizaciji na način da su općinski načelnici dužni uskladiti pravilnike o unutrašnjoj organizaciji sa odredbama ove uredbe u roku od 30 dana od dana njenog stupanja na snagu, tj. do 11.10.2025. godine.

Shodno svemu navedenom, a u skladu sa novonastalom situacijom stupanja na snagu novih izmjena propisa koji se tiču akta koji je dostavljen u proceduru Općinskom vijeću, pripremljen je novi tekst Pravilnika o izmjenama i dopunama Pravilnika o unutrašnjoj organizaciji Općine Novo Sarajevo, koji je potpuno isti u odnosu na prethodni, osim u dijelu koji se odnosi na posljednju izmjenu Uredbe o poslovima osnovne djelatnosti iz nadležnosti organa državne službe u Kantonu Sarajevo koje obavljaju državni službenici, uslovima za vršenje tih poslova i ostvarivanju određenih prava iz radnog odnosa, kojom se brišu riječi: „s tim da su stečene diplome prvog i drugog ili trećeg ciklusa Bolonjskog sistema studiranja iste struke“, odnosno, novi tekst je usklađen sa novom izmjenom Uredbe.

Zbog činjenice da se izmjena odnosi i na internu reviziju, 19.9.2025. godine smo novi tekst Pravilnika o izmjenama i dopunama Pravilnika o unutrašnjoj organizaciji Općine Novo Sarajevo dostavili Centralnoj harmonizacijskoj jedinici Federalnog ministarstva finansija na mišljenje, kao i Sindikatu Općine Novo Sarajevo.

Nakon urgencija, Sindikalni odbor Općine Novo Sarajevo je dostavio mišljenje 1.10.2025. godine, a Centralna harmonizacijska jedinica Federalnog ministarstva finansija nije, te smo zbog toga morali povući ovu tačku dnevnog reda sa 7. redovne sjednice Općinskog vijeća Novo Sarajevo, čiji nastavak je održan 2.10.2025. godine.

Dana 21.10.2025. godine smo putem e-maila od Centralne harmonizacijske jedinice Federalnog ministarstva finansija dobili skenirano potpisano Mišljenje (original dostavljen putem pošte 22.10.2025. godine), broj: 10-02-4-8070/25 od 23.9.2025. godine, u kojem sugerišu određene izmjene u tekstu Pravilnika o izmjenama i dopunama Pravilnika o unutrašnjoj organizaciji Općine Novo Sarajevo.

Shodno navedenom, pripremljen je novi tekst Pravilnika o izmjenama i dopunama Pravilnika o unutrašnjoj organizaciji Općine Novo Sarajevo u koji su unesene sugestije Centralne harmonizacijske jedinice Federalnog ministarstva finansija, te zbog ukazane potrebe, povećan broj izvršilaca na radnim mjestima Viših referenata na ovjeri; a za jednog izvršioca poslova radnog mjesta Šefa Odsjeka za javne nabavke u uslovima za vršenje posla dodata još jedna vrsta stručne spreme, zato što je u važećem Pravilniku, za obavljanje poslova tog radnog mjesta, za razliku od većine drugih radnih mjesta, utvrđen je još jedan poseban uslov koji kandidat za popunu tog radnog mjesta mora ispunjavati, da bi ispunjavao uslove da obavlja te poslove. Taj posebni uslov je: položen ispit za Službenika za javne nabavke.

Međutim, u vrsti školske spreme napisan je samo pravni fakultet. Ovom izmjenom i dopunom, kao alternativa postojećoj vrsti školske spreme u važećem Pravilniku, dodat je ekonomski fakultet.

Opće poznata je činjenica da je provođenje postupaka javnih nabavki, uslov bez kojega se ne mogu izvršavati drugi poslovi iz nadležnosti Općine, a broj stručnjaka te vrste je ograničen.

Ova dopuna Pravilnika, olakšat će popunu radnog mjesta, odnosno smanjiti rizik nemogućnosti popunjavanja radnog mjesta zbog nedostatka kadra traženih, a obaveznih stručnih kvalifikacija za obavljanje poslova javnih nabavki, a sve u cilju blagovremenog izvršavanja poslova i pružanja usluga građanima, te lakše prohodnosti kadrova.

Osim navedenog, a zbog primjene i provođenja Zakona o zaštiti ličnih podataka BiH (Zakon), u naziv jednog od već postojećih radnih mjesta u Službi za obrazovanje, kulturu i sport, i to radnog mjesta Stručni saradnik za pravne poslove, dodat je i naziv Službenik za zaštitu ličnih podataka, kojem je u opisu radnih mjesta dodato 5 novih alineja, odnosno zadataka prepisanih iz Zakona.

Na navedeni novi tekst Pravilnika o izmjenama i dopunama Pravilnika o unutrašnjoj organizaciji Općine Novo Sarajevo, Sindikalni odbor Općine Novo Sarajevo je dostavio mišljenje broj: 01-36/25 od 30.10.2025. godine i broj: 01-47/25 od 11.11.2025. godine.

III PROVEDBENI MEHANIZMI I NAČIN OSIGURANJA POŠTIVANJA PROPISA

Provedba ovog pravilnika, odnosno zapošljavanje i raspoređivanje izvršioca na radna mjesta vršiti će se u skladu sa Zakonom o državnoj službi u Kantonu Sarajevo („Službene novine Kantona Sarajevo“, br. 31/16, 45/19 i 6/25), te drugim relevantnim zakonskim i podzakonskim propisima.

IV OPIS KONSULTACIJA VOĐENIH U PROCESU IZRADE PROPISA

Na osnovu sastanaka vođenih u prethodnom periodu na kojima su obavljene konsultacije u vezi sa primjenom važećeg pravilnika i ukazanim potrebama i obavezama za usklađivanje sa donesenim propisima iz ove oblasti, odlučeno je da se pristupi izradi izmjena i dopuna postojećeg Pravilnika o unutrašnjoj organizaciji Općine Novo Sarajevo i njegovo usklađivanje sa odredbama Zakona o izmjenama i dopunama Zakona o državnoj službi u Kantonu Sarajevo („Službene novine Kantona Sarajevo“, broj: 6/25), odredbama Uredbe o izmjenama i dopunama Uredbe o načelima za utvrđivanje unutrašnje organizacije kantonálnih, gradskih i općinskih organa uprave i upravnih organizacija („Službene novine Kantona Sarajevo“ broj 11/25), odredbama Uredbe o izmjenama i dopunama Uredbe o poslovima osnovne djelatnosti iz nadležnosti organa državne službe u Kantonu Sarajevo koje obavljaju državni službenici, uslovima za vršenje tih poslova i ostvarivanju određenih prava iz radnog odnosa („Službene novine Kantona Sarajevo“, br. 17/25 i 36/25), te odredbama Pravilnika o uslovima za obavljanje poslova interne revizije u javnom sektoru u Federaciji Bosne i Hercegovine („Službene novine Federacije BiH“, br. 95/15, 48/17, 31/22 i 42/24). Također je pribavljeno mišljenje Federalnog ministarstva finansija - Centralne harmonizacijske jedinice broj: 10-02-4-5108/25 od 3.6.2025. godine i broj: 10-02-4-8070/25 od 23.9.2025. godine i

Sindikalne organizacije Općine Novo Sarajevo broj: 01-25/25 od 4.7.2025. godine, broj: 01-35/25 od 30.9.2025. godine, broj: 01-36/25 od 30.10.2025. godine i broj: 01-47/25 od 11.11.2025. godine, te će se tražiti i saglasnost Općinskog vijeća Novo Sarajevo.

V PROCJENA EKONOMSKE OPRAVDANOSTI DONOŠENJA PROPISA

Nije utvrđen ekonomski uticaj Pravilnika.

VI OBRAZLOŽENJE FINANSIJSKIH SREDSTAVA ZA PROVOĐENJE PROPISA I FINANSIJSKE EFEKTE PROPISA

Za provođenje ovog pravilnika, u Budžetu Općine Novo Sarajevo se obezbjeđuju finansijska sredstva.



OPĆINSKA NAČELNICA

Prof. dr. Benjamina Karić

